


鑑撮

卷一之四



漢書門
八七八
八四四
一四函號類
一六冊

內閣文庫
漢
八七八
一四函
一六冊

內閣文庫	
番號	漢 8784
冊數	16 (4)
函號	285 13





淺草文庫

亦不敢娶後巫臣竟娶之以奔晉子反以為賣
已遂族巫臣之家巫臣憾之請于晉侯使吳因
教壽夢乘車戰陳法令伐楚子重子反一歲七
奔命吳自此霸 壽夢子四人諸樊餘祭餘昧
季札札賢壽夢欲遞立諸樊餘祭餘昧以傳札
札固讓不從壽夢薨諸樊立封札于延陵稱延
陵季子札歷聘諸邦至魯觀六代之樂至齊謂
齊必亂勸晏平仲納政邑平仲以是免欒高之
難至鄭見子產如舊交至衛見蘧伯玉諸人贊

監最卷一

春秋戰國

宣

之曰衛多君子時孫林父叛居戚札過之聞鐘
聲曰子獲罪于君以在此猶燕巢幕上又何樂
乎至晉見趙武魏舒韓起歎曰晉其萃于三族
乎先是札心許徐君劍及還徐君已死乃解劍
掛其冢樹而去後餘祭餘昧代立皆讓札札卒
不從 諸樊伐楚爲楚將牛臣射死弟餘祭立
爲闔人所弑弟餘昧立餘昧薨子僚立而諸樊
之子光以札旣不立則己當立遂謀殺僚會伍
員怨楚平王殺其父兄奔吳謀復讐知光欲圖

僚未暇伐楚乃薦鱗設諸于光於是光飲僚專
諸置匕首魚炙刺殺之專諸亦死光遂立是爲
闔廬闔廬問員以伐楚之策對曰楚執政衆而
乖若爲三師以肄焉一師至彼必皆出彼至則
歸彼歸則出楚必道做亟肄以罷之多方以誤
之旣罷而後以三軍繼之必大克之闔廬從其
策於是破楚入郢 孫武者齊人也以所著兵
法十三篇見闔廬闔廬出宮中婦人試之武分
爲二隊以玉之寵姬二人爲隊長申令而鼓之

鍾鼎錄一
婦人皆笑武斬王寵姬以狗婦人恐皆如令無
敢譁闔廬以武能用兵命為將吳益強 闔廬
伐越與句踐戰于檣音醉李闔廬傷其將指薨子
夫差立 夫差伐越報檣李之讐句踐行成伍
員諫弗聽太宰伯嚭日讒員謂員使齊屬其子
于鮑氏有外心夫差怒賜之屬鏹音祝劍員曰
取吾眼置東門以觀越兵之入也遂死後夫差
與諸侯會黃池與晉定公爭長越王乘虛伐吳
吳不能支夫差自縊死夫差將死曰使死者無

知則已若有知吾何面目見員也吳亡後吳支庶入海
倭為
越
初夏禹葬越之會稽少康恐絕祀封其庶子于
越以奉禹祀號曰無餘後二十餘世傳至允常
與吳王闔廬日相攻允常死子句踐立是為莖
執僭稱王 吳王夫差悲父之死于越也使人
立于庭出入謂己曰夫差而忘越王之殺而父
乎則對曰唯不敢忘三年乃敗越王于夫椒於

是越王用范蠡計與夫人入吳爲臣妾使文種
行成于吳伍員諫曰樹德莫如滋去疾莫如盡
句踐與我同壤而世爲仇敵克而弗取後悔何
及吳王弗聽員告人曰越十年生聚十年教訓
二十年後吳其爲沼乎已而吳王放越王歸國
越王發憤爲政枕戈嘗膽志在雪恥遂滅吳
越王旣滅吳疾忌功臣蠡與種書曰蜚鳥盡良
弓藏狡兔死走狗烹越王長頸烏喙可與共患
難不可與共安樂子盍去未幾有讒種者越王

遂賜種死方種之未死也蠡念大名之下難久
居因求去越王不許蠡曰君行制臣行意乃變
姓名鴟夷子皮乘輕舟泛五湖後之陶號陶朱
公三致千金分于貧交昆弟 句踐七世爲無
疆爲楚所滅其公族濱海爲君長漢
時東越閩君皆其裔也

燕

武王封弟召康公奭于燕召公巡行鄉邑決獄
棠樹下及薨民作甘棠詩三十六世至文公時
爲戰國蘇秦者洛陽人也初遊說不行而歸嫂

妻皆笑之秦閉戶讀書期年揣摩成至周秦皆
弗用遂遊說六國合從拒秦自燕文公始公資
秦金帛至趙及韓魏齊楚皆從之以秦爲從約
長相六國秦過周顯王使人除道郊迎嫂妻不
敢仰視秦曰嫂何前倨而後恭嫂曰見季子位
高多金也秦後爲齊所殺時張儀爲秦惠文王
相又說六國連衡橫事秦已而六國又畔衡復
合從及楚懷王絕齊五國解體從約乃已然秦
初聞合從不敢出兵函谷關者十五年秦之力

也 文公再傳爲子噲噲讓國于其相子之國
大亂齊因伐燕大破燕於是昭王立王厚幣招
賢問于郭隗隗曰古人君有以千金使涓人求
千里馬者馬已死以五百金買其骨而返君怒
涓人曰死馬且買之况生者乎馬今至矣不期
年而千里馬至者三今王必欲致士先從隗始
王因厚遇隗天下士爭趨燕於是樂毅至燕王
使毅伐齊大破齊師下齊七十餘城惟卽墨莒
二邑不下會昭王薨惠王立齊將田單縱反閒

于燕謂毅欲王齊故緩攻卽墨惠王信之遂使
騎劫代毅於是毅奔趙趙與毅謀伐燕毅泣曰
臣疇昔之事昭王猶今日之事大王也若復得
罪在他國終身不敢謀趙之奴隸况子孫乎趙
王乃止封毅爲望諸君燕惠王使人讓毅且謝
之曰將軍捐燕歸趙自爲計則得矣而何以報
先王所以遇將軍之意也毅報書略曰古之君
子交絕不出惡聲忠臣去國不潔其名臣雖不
佞數奉教于君子矣燕乃復封毅之子毅卒于

趙 惠王薨武成王立武成王薨孝王立孝王
薨子喜立喜太子丹先嘗爲質于趙與秦王政
善及政卽位丹質于秦秦不加禮丹怒逃歸欲
報之因田光交荆軻遣軻刺秦王斬秦降將樊
於期之首與燕督亢之地圖偕燕將秦武陽入
獻秦王秦王闔圖窮而匕首見秦王驚起環
柱而走拔劍斬軻并殺武陽補史因伐燕大破
燕歸燕斬丹以獻燕隨亡

趙

趙祖造父遞傳至趙夙爲晉大夫夙姪衰輔晉
文公出亡文公返國受周之原田而難其守問
于寺人勃鞞對曰昔趙衰以壺飧從徑餒而弗
食可使處原乃命衰守之衰卒子盾嗣盾卒子
朔嗣時屠岸賈治弑晉靈公之賊殺朔于下宮
滅其族朔妻莊姬爲晉成公姊有遺腹走匿公
宮生子曰武朔客程嬰公孫杵曰知之賂醫竊
出賈索趙孤急杵曰問嬰曰死與立孤孰難嬰
曰死易立孤難杵曰日子爲其難者乃以他人

子匿山中及晉景公疾卜云大業之後不遂者
崇 是公立武爲趙後嬰遂攻賈滅其族嬰辭
曰昔下宮之難我非不能死也思立趙氏後耳
今武已立我將下報宣孟與公孫杵曰矣遂自
殺武爲嬰服齊衰三年武之曾孫鞅諡簡子
簡子使尹鐸守晉陽鐸請曰以爲繭絲乎抑爲
保障乎簡子曰保障哉鐸乃損其戶數簡子謂
子無卹曰晉國有難無以鐸爲少無以晉陽爲
遠必以爲歸簡子卒無卹嗣是爲襄子時知伯

荀瑤也 求地于襄子不與知伯遂約魏駒韓虎攻襄子襄子走晉陽三家合圍決水灌之城不浸者三版沈竈產蛙民無叛志 襄子使稚狗伐狄勝之襄子有憂色曰飄風驟雨不終朝日中不須臾今趙氏不德一朝下兩城亡其及我哉君子曰趙氏其昌乎夫憂者所以爲昌也喜者所以爲亡也勝非其難者也持之者其難者也惟有道之人爲能持勝 知伯圍晉陽驕日甚襄子乃使張孟談約韓魏殺知伯滅其族三分

其地襄子漆知伯頭爲飲器知伯之臣豫讓欲爲報讐詐爲刑人挾匕首入襄子宮中塗廁襄子避之讓又漆身爲癩吞炭爲啞行乞于市其妻不識也其友識之曰以子之才何不臣趙孟何太自苦讓曰委質爲臣而求殺之是二心也吾所以爲此者將以愧天下後世爲人臣而懷二心者後伏橋下欲殺襄子襄子殺之 襄子殺代王奪其地代夫人襄子姊也摩笄自殺襄子卒姪孫浣嗣治中牟浣卒子籍立請于周

命為侯是為烈侯遂與韓魏共分晉地 烈侯
遞傳至武靈王時秦日強大武靈嘗詐為使者
入秦欲觀秦地形及秦王之為人秦王怪其狀
甚偉使人逐之已行脫關矣初武靈以長子章
為太子既而廢章立庶子何是為惠文王武靈
自稱主父後主父見章儼音然北面而朝惠文
憐之欲分趙而章王子代未決會章作亂惠文
殺章圍主父主父探雀穀音食之三月餘餓死
趙有璧卽卞和所獻之王荆山玉也秦昭王

請以十五城易璧惠文欲與之恐見欺藺相如
曰臣願奉璧往若秦城不入臣請完璧歸至秦
既獻璧視秦王無償城意乃給秦王遣從者懷
歸趙身待命于秦秦王賢之放還後隨惠文會
秦于澠音池秦王使惠文鼓瑟相如不平使秦
王擊缶弗從相如曰五步之內臣得以頸血濺
大王秦王乃一擊缶秦終不能有加于趙惠文
歸以相如為上卿位在廉頗趙將右頗不平曰我
見必辱之相如每望見輒引車避舍人以為恥

相如曰子視廉將軍孰與秦王曰不若相如曰夫以秦王之威而相如廷叱之相如雖駑獨畏廉將軍哉顧秦不敢加兵于趙以吾兩人在也今兩虎共鬪勢不俱生吾爲此者先國家之急而後私讐也頗聞之內袒負荆杖也負杖而受刑也謝罪結刎頸交 孝成立秦伐韓上黨路絕韓獻上黨于趙趙豹謂韓嫁禍于趙不可受趙竟受之秦白起攻上黨趙使廉頗拒之頗敗因堅壁不出孝成怒讓頗秦使人行千金爲反閒曰秦獨

畏趙奢子括爲將耳廉頗易與且降矣孝成信之欲用括藺相如曰王以名使括若膠柱鼓瑟柱瑟足也括徒能讀父書傳不能合變也括母又上書言括不可使孝成皆不聽卒使括代頗頗于悼襄王時奔魏不見用悼襄復欲用之遣使視頗頗悼襄一飯斗米肉十劬被甲上馬以示可用其讐郭開賂使者令毀之使還曰廉將軍尙善飯然坐頃三遺矢悼襄遂不召 括擊秦軍秦絕趙糧道趙請粟于齊齊王勿許周子曰趙之于齊猶齒之有唇也救趙之務宜若奉漏甕沃焦釜然齊王弗聽趙軍食絕括死于軍白起

坑趙降卒四十萬 平原君勝者惠文弟也好
客士多歸之會秦伐趙趙使勝求救于楚約門
下文武備具者二十人與俱得十九人其下客
毛遂自薦願行勝曰夫賢士處世如錐處囊中
其未立見先生處此三年矣未有所聞殆無所
有也遂曰今日乃請處囊中耳使臣蚤得處囊
中當穎脫突也突然而出非特末之見也勝乃
與遂至楚與楚王言合從久不決遂按劍歷階
上曰合從者為楚非為趙也楚王乃定從使黃

歇將兵救趙時信陵君已破秦兵解邯鄲圍歇
乃還平原君歸曰毛先生至楚使趙重于九鼎
大呂三寸舌強于百萬師勝不敢復相天下士
矣因以遂為上客 魯仲連者持高節號千里
駒遊于趙會秦圍趙魏王恐使新垣衍說趙帝
秦以解兵仲連謂衍曰彼即帝連有蹈東海死
耳不願為之民且秦帝矣魏王安得晏然衍曰
先生天下士吾不敢復言帝秦矣乃圍解平原
君欲封之不受以千金為壽仲連曰所貴天下

士者為人排難解紛而無取者商賈之事也
此魯老之守高說客多矣辭去終身不復見後二十餘年燕
將被讒保聊城齊田單攻之久不下仲連為書
陳利害射城中燕將泣自殺城遂下齊王欲爵
之逃之海上曰吾與其富貴而詘于人寧貧賤
而肆志遂老 孝成嘗問兵要于荀况况為楚蘭陵令
對曰要在附民下之于上也若子弟之衛父兄
手足之捍頭目也齊之技擊不可以遇魏之武
卒魏之武卒不可以遇秦之銳士秦之銳士不

可以當桓文之節制桓文之節制不可以敵湯
武之仁義陳囂問况曰先生議兵以仁義為本
又何以兵為哉况曰仁者愛人故惡人之害之
也義者循理故惡人之亂之也兵者所以禁暴
除害也 孝成薨悼襄王立李牧為將破匈奴
匈奴不敢犯邊悼襄幽繆王立秦使王翦來
伐李牧禦之秦多與郭開趙嬖臣金使言牧欲反
幽繆信之使趙葱顏聚代牧牧不受命幽繆殺
之趙遂亡牧朝死而趙夕亡矣秦之善用金也金之能害人也

魏

魏出周畢公高之後始祖畢萬為晉大夫封于
 魏萬卒子隼嗣隼卒子穎嗣穎卒子絳嗣時無
 終國請和于晉絳陳和戎五利絳卒子舒嗣舒
 卒子侈嗣侈孫駒滅知氏駒卒子斯嗣與韓趙
 共分晉室是為文侯 文侯之子擊遇田子方
 于道擊下車伏謁子方不為禮擊怒曰富貴者
 驕人乎抑貧賤者驕人乎曰貧賤者驕人耳富
 貴安敢驕人國君驕則失國大夫驕則失家士

貧賤不合則去安往不得貧賤哉 卜子夏者
 衛人也教授西河文侯師之段干木學于子夏
 者也文侯過其閭必軾致祿百萬木不受後秦
 欲攻魏司馬唐曰魏禮段干木未可攻也文侯能下
士然不知師子 文侯謂李克曰子言家貧思
思論者惜之 良妻國亂思良相今置相非魏成則翟璜二子
 何如對曰居視所親富視所與達視所舉窮視
 所不為貧視所不取五者足定之矣克出璜問
 誰相曰魏成璜忿然曰吳起樂羊等皆臣所進

也何負于成克曰成進卜子田子段子君師之
子所進者君臣之烏可比也文侯卒相成西
門豹至鄴日會長老問民疾苦長老曰苦爲河
伯娶婦豹問云何曰鄴三老廷掾歲賦民錢數
百萬用二三十萬爲河伯娶婦而與祝巫分其
餘錢每及時巫行視人家女好者云是當爲河
伯婦卽洗浴之衣以綺縠治齋宮河上命女居
其中卜日浮之河浮數十里乃沒以故民困貧
多持女遠逃從來久矣豹曰第至此時幸告我

我亦欲往送至期豹輒親往會河上三老官屬
豪長者里父老皆會聚觀者數千人其巫老女
子也從女弟子十人豹曰呼河伯婦來旣見顧
謂三老巫祝廷掾曰是女不佳幸大巫姬爲先
報河伯得更求好女異日送之卽使吏卒共抱
大巫姬投之河有頃曰何不還報令弟子趣之
乃投弟子一人河中又有頃曰何不還報乃又
投一弟子河中凡三投弟子豹曰是皆女子想
不能白事煩三老爲入白之乃又投三老河中

時旁觀者皆驚怖豹顧曰久待不還報奈何將復使廷掾與豪長者一人更趣之於是廷掾豪長者共叩頭且破血流地赤豹曰何河伯畱客之久姑且去俟之鄴俗始革文侯使樂羊攻中山中山懸羊子示羊羊不顧爲羹遺之羊啜盡一杯遂下中山文侯賞其功示以謗書一篋終以其忍也疑之因封子擊子中山文侯問羣臣曰我何如主也皆曰仁君也任座獨曰君得中山不封弟而封子何謂仁君文侯怒問翟

璜對曰仁君也文侯曰何以知之曰君仁則臣直向者座言直故知之文侯悅文侯薨子擊立是爲武侯初吳起遊仕不遂鄉黨笑之起怒殺三十餘人與母齧臂而訣曰起不爲卿相不入衛起衛人去事曾子母死不奔喪曾子與之絕起乃之魯學兵法會齊攻魯魯欲將起以起娶齊女疑之起殺妻自明因爲魯將破齊師魯人譖起起復之魏文侯問起于李克克曰起貪財好色然其用兵雖司馬穰苴不能過也文侯遂

將起起嘗爲士卒吮疽得士心故所向有功
武侯嘗浮西河而下顧謂起曰美哉山河之固
此魏之寶也對曰在德不在險君若不修德舟
中之人皆敵國也武侯善之以爲西河守魏人
譖起起奔楚爲楚相楚貴戚惡之起被殺武
侯薨子罃立是爲惠侯遷大梁僭稱王故又稱
梁惠王 初龐涓與孫臏同學兵法臏才優于
涓涓忌之因陷臏則臏兩足會齊使者如魏密
載臏歸臏遂爲齊王師旣而惠王使涓伐楚楚

求救于齊齊田忌欲引兵之趙臏曰解紛者不
控捲音權救鬪者不搏擻批亢音岡擣虛形格勢禁
則自爲解耳今魏師罷竭不如直走魏都魏必
釋趙自救是一舉解趙圍收敝于魏也忌從之
魏師果還涓戰大敗其後惠王又使涓攻韓韓
亦求救于齊臏復直走魏都涓聞之歸臏使齊
軍入魏地爲十萬竈明日爲五萬竈又明日爲
二萬竈涓以爲怯逐之臏伏兵馬陵道斫樹書
曰龐涓死此樹下涓夜至以火燭樹萬弩俱發

魏師大亂涓歎曰遂成暨子之名乃自刎齊大
破魏兵虜太子申 孟子至魏惠王不能用
蘇秦說惠王與五國從親曰大王之地千里武
夫蒼頭奮擊各二十萬師徒十萬奈何臣事秦
也 秦孝公使衛鞅來伐誘虜公子卬魏獻河
西地以和 惠王薨子赫立是爲襄王張儀去
秦相魏說襄王倍約請成于秦已而儀復去相
秦 襄王薨昭王立昭王薨安僖王立安僖之
異母弟信陵君無忌卑身下士門下食客嘗三

千人諸侯不敢加兵于魏者十餘年 秦伐趙
趙平原君勝求救于魏魏使晉鄙救趙秦使人
謂安僖曰敢有救者移兵擊之安僖恐止晉鄙
軍趙圍日急勝之妻無忌姊也勝使人讓無忌
無忌用侯嬴計竊王兵符借屠客朱亥詣晉鄙
軍將詐代之晉鄙合符而疑亥袖鐵椎殺晉
鄙將其衆大破秦軍無忌不敢歸國遂畱趙
無忌既畱趙秦使蒙驁伐魏安僖患之使人請
于趙無忌不肯還無忌之客諫曰公子所以見

重于諸侯者徒以魏也今魏急公子乃不恤乎
無忌乃趣駕還魏合諸侯之師敗驚于河外
秦既敗患信陵君使人行反間于魏安僖疎無
忌未幾無忌卒魏後爲秦所滅始秦之伐趙
也魏人以爲便孔斌曰秦勝趙吾恐魏亦受其
師矣先人有言燕雀處堂子母相哺自以爲安
竈突炎上棟宇將焚燕雀未知禍之將及己也
今不悟破趙而患將及己可以人而同于燕雀
乎

韓

韓武子名萬曲沃桓叔子也仕晉封于韓原再
傳爲厥是爲獻子厥之子起是爲宣子三傳爲
虎是爲康子與趙魏分知伯地虎再傳爲虔是
爲景侯與趙魏分晉地景侯薨烈侯立時俠
累爲相有惡于嚴遂字仲者遂使勇士聶政刺
殺累政自刺面抉眼屠腸死韓人莫能識政姊
罃曰是軼深井里聶政也以妾在故重自刑以
絕蹤妾奈何畏誅沒賢弟名於是亦死政旁時

人義之 烈侯數傳至昭侯昭侯有敝袴命藏之侍者曰君何不賜左右而藏之昭侯曰吾聞明主愛一嘔一笑袴豈特嘔笑哉吾必待有功者 申不害者學黃老刑名為昭侯相政教聿修 昭侯作高門楚大夫屈宜曰曰君必不出此門何也不時前年秦拔宜陽今苦旱君不恤而奢所謂時詘舉贏也門成而昭侯薨於是宣惠侯立僭稱王時蘇秦說宣惠與五國從親曰寧為雞口無為牛後雞口進食牛後出糞宣惠王薨襄王

立時秦甘茂與秦武王盟于息壤來攻拔宜陽襄王再傳為桓惠王時秦拔上黨韓地日促桓惠往朝秦秦王薨桓惠衰經以弔桓惠薨子安立遣使稱藩于秦秦滅韓六國惟韓先朝秦秦卒先滅之初韓非精刑名韓不能用非乃作說難孤憤號韓非子

田齊

田齊本陳完字敬仲後完之生也其父厲公使周太史筮之得觀之否曰其代陳有國乎不在此



在異國非其身在于孫異國必姜姓也後完得
罪奔齊爲工正子孫因改姓田遂有齊國 陳
恒殺簡公恒之曾孫和遷其君貸于海上篡齊
國既而和求爲諸侯魏文侯爲之請于周安王
安王許之 和薨桓公立桓公薨威王立王明
于治國左右有譽阿大夫而毀卽墨大夫者王
召阿大夫曰自子守阿譽言日至吾使人視阿
田野不闢人民貧餒是子厚幣事吾左右以求
譽也烹阿大夫及左右嘗譽者又召卽墨大夫

曰自子居卽墨毀言日至吾使人視卽墨田野
辟人民給是子不事吾左右以求助也封之萬
家於是羣臣聳懼齊大治時蘇秦說王與五國
從親曰臨淄之塗車轂擊人肩摩連衽成帷揮
汗成雨秦無奈齊何也 時齊魏會田魏惠王
問于王曰齊亦有寶乎王曰無有惠王曰寡人
有徑寸之珠照車前後各十二乘者十枚王曰
寡人臣檀子盼子黔夫種首齊國賴之此四臣
者將照千里豈特十二乘哉 威王薨子辟疆

立是爲宣王時鄒衍淳于髡田駢接子慎到之徒會于稷門之下孟子至齊說以仁政王不能行宣王薨潛王立欲并二周爲天子已而燕樂毅破齊王出走于莒時楚將淖齒將兵救齊欲與燕分齊地乃執王數之曰千乘博昌之閒雨血沾衣羸博之閒地坼及泉人當闕而哭而王不戒何得無誅遂擢王筋懸之廟梁越宿而死初潛王之子法章遭國難變姓名會大夫王孫賈從潛王亡失其處而歸其母責之曰汝

朝出晚來吾倚門而望汝暮出不還吾倚閭而望汝事王王走汝不知處尙何歸賈乃入市呼衆攻殺淖齒求法章立之是爲襄王當是時齊僅存莒卽墨二邑樂毅圍之不克已而齊田單爲將縱反閒于燕燕使騎劫伐毅單乃收千牛爲絳繪衣畫以五采龍文束兵刃于其角而灌脂束葦于其尾燒其端夜縱牛以壯士隨其後牛尾熱怒而犇燕軍燕軍大敗遂復所亡七十餘城孟嘗君田文者爲薛公門下食客三千

人有馮驩求見置傳舍彈劍作歌曰長鋏歸來
乎食無魚時邑稅不足奉客乃出錢于薛以取
息遣驩往取驩見不能償者焚其貸券孟嘗君
怒驩曰吾欲使薛戴君耳先是秦昭王聞文賢
請以爲相或譖之昭王因囚文文求解于昭王
姬姬欲得文狐白裘文已獻昭王矣客有善狗
盜者盜以獻姬姬言于昭王遣之歸後昭王悔
使追之文至關關法雞鳴出客客卽爲雞鳴羣
雞皆鳴文得脫歸文以是怨秦合韓魏伐秦昭

王懼割河東三城以講文名重天下文卒諸子
爭立齊魏共滅之 襄王薨子建立建不助五
國攻秦五國旣滅齊亦滅

秦

秦之先爲大費卽伯益也賜姓嬴其後蜚廉父
子俱以材力事商紂又五傳至非子始封于廉
非子薨子立是爲秦侯再傳爲秦仲時西戎叛
王室宣王命仲討之仲薨莊公立莊公薨襄公
立時周幽王爲犬戎所弑襄公救周及平王遷

洛襄公以兵送平王平王封公為諸侯遂有岐

豐立西峙時止也時土為高也祠白帝于岐僭端見矣襄公薨

文公立始置史立夷三族法遞傳至武公又遞

傳至成公成公薨弟任好立是為穆公穆公相

百里奚號五羖大夫以蹇叔為上大夫求丕豹

公孫枝于晉降由余于戎益國十二開地千里

襄王命為西方諸侯伯三置晉君一救荆禍遂

霸西戎 秦為晉敗穆公乃作誓夫子刪書存秦誓嘉梅過

也 穆公薨葬于雍殉者百七十七人子車氏

子奄息仲行鍼虎三良臣與焉國人哀之為賦

黃鳥之詩後靈公時以君主嫁河伯將以求福君主猶公主也魏染秦俗亦有河伯

娶婦事穆公十六傳為孝公時六國擯秦不與盟

會公乃發憤任商鞅以政遷都咸陽吞噬列國

鞅變法令開阡陌以其占土也廢井田更立稅法鞅

嚴酷臨渭論囚渭水盡赤既而公子虔告商君

鞅號商君欲反發吏捕之商君出亡欲止客舍舍人

曰商君法舍人無驗者坐之商君曰為法自弊

一至于此去之魏魏內之秦秦車裂商君以狗

然商君之法秦賴以富强故不變 孝公薨惠
文王立使司馬錯取蜀僭稱王蘇秦說六國合
從拒秦既而惠文相張儀破合從使六國連橫
事秦六國畏秦强皆割地求和惠文薨武王立
梲里疾甘茂爲相武王有勇力好力戲寵力士
烏獲孟說與說舉鼎絕脈而薨於是昭襄王立
稱西帝立齊湣王爲東帝時魏人范雎嘗從魏
大夫須賈至齊雎受饋金賈歸告魏齊魏相幾致
之死雎乃更名張祿入秦爲相封應侯及賈至

秦雎敝衣微行見之賈曰范叔固無恙何一寒
至此乃以綈袍賜之已而賈入相府雎坐堂上
賈謝罪請死雎曰汝辱我有三所以得不死者
以綈袍戀戀有故人之意耳爲我歸告魏王急
持魏齊頭來賈歸告齊後齊自殺魏王以其頭
歸秦 范雎謂昭襄曰以秦治諸侯譬走韓盧
而搏蹇兔也雎爲秦陳遠交近攻策曰得寸則
王之寸也得尺則王之尺也秦取韓魏以執天
下之樞上計也 秦蠶食六國六國益削已而

取韓趙地將及周赧王恐遂伐秦為秦所敗於
是獻地入秦 秦王臨朝而歎曰內無良將外
多敵國若之何范雎懼燕客蔡澤聞之西入秦
先使人宣言于雎曰蔡澤見王必奪君位雎召
澤讓之澤曰君何見之晚也夫四時之序成功
者去大夫種何足願與雎謬曰殺身成名何不
可澤曰身名俱全者上也語曰日中則移月滿
則虧君宜變計矣雎遂薦澤澤為相數月免
昭襄薨孝文王立孝文薨子楚立是為莊襄王

遷東周君于陽人聚地皆入秦 莊襄薨子政
立是為始皇時年十二

嘉永戊申

